



17819

kat.komp.

I

Mag. St. Dr.

P

Watkowie Alberti: Oratio natali-

ssa S. Nic. Komicpolski - conse-  
crata.

PANEG. et VITAE

Polon. 4<sup>ta</sup>

№. 391.



Biblioteka Jagiellońska



stdr0004740





# ORATIO NATALITIA.

*Perillustri & Adm: Rñdo Dño,*

D. NICOLAO

*A KONIECPOLE*

KONIECPOLSKI,

Canonico Gnesnensi, Præclauien: &c. &c.

Præposito, Domino Colendissimo.

*In auspiciatissimas Natalis diei ferias.*

ANNO Reparatæ Salutis M. DC. XLII.  
Octauo Idus Decembris.

*Honoris & obseruantie ergo*

*A B*

ALBERTO WAŁKOWIC Vstiense,

Art: &c Philosophiæ Baccalaureo

Consecrata ac DD.

---

*CRAC: In Officina Mart: Philipowski.*



IN STEMA  
*Illustrissima KONIECPOLSCIORM Domus.*



178195  
**M** Achina quod Danaum fabricata in mania Teucrum  
 Viribus audaces clausit & armigeros.  
 Tot patria KONIECPOLSKI Domus inclita semper  
 Vestra dedit claros Marte Togaq; viros.  
 Et pietate graues, & religionis amantes,  
 Crux, solea, hoc signant, Stemmate iuncta sibi.  
 Praesidium patrie his, curamq; canis leuisomni  
 Aptatus collo nullus adesse notat.  
 Felix es soleam atq; Crucem pro Stemmate gestans,  
 Felix, & merito nobile Stemma geris.  
 Ergo quot pisces pascit sub gurgite WISLOK  
 Dñj tibi tot tribuans secula fausta precor.

Nicolaus de Pisary Pisarski, St: Dial.



Perillustri & Adm: Reuerendo Dño,

D. N I C O L A O

A K O N I E C P O L E

K O N I E C P O L S K I,

Canonico Gnesnensi, Præclauien: &c. &c.  
Præposito.

Domino & Mæcenati Colendissimo

S. & P.

**D**iu multumq; mecum animo perpendens Per-  
illustri & Adm: Reuerende Domine, Mæ-  
cenas amplissimè, quâ ratione eam, quam Tibi  
pro Tuis innumeris in me collatis beneficiis, veneratio-  
nem & remunerationem debebam, aliqua exterioris a-  
ctionis demonstratione patefacere, animus quoq; meus  
erga Te id continuò cogitabat, & me ad regratifican-  
dum stimulabat, modus autem regratificandi deerat, de-  
fuere meæ in Te seruitutis aperiendæ vires & occasio-  
nes. En verò nunc obtulit mihi sese de Te benè meren-  
di occasio, Natalitiorum videlicet Tuorum dies auspi-  
catissima, quam vt Tibi congratuler, meus in Te propen-  
sus animus, beneficiorumq; à Te acceptorum recordatio  
me impulit. Conscripsi itaq; hanc etsi tenui atq; ieiun-



no stylo, omni demum verborum lepore ac ornatu destitu-  
tam Orationem Natalitiam, quantum hoc mihi per oti-  
um, quod exile mihi hactenus, inter maximos ac vari-  
os occupationum mearum labores, contigit, & per alacri-  
tatem animi, quæ non admodum magna est, licere potuit,  
eamq; Perillustri & Admodum Reuerendæ D. Tuae,  
voti Patrono & Benefactori obseruandissimo, cum humi-  
limorum obsequiorum meorum debita & submissa com-  
mendatione confesco & dedico. Itaq; hanc qualemqua-  
lem virtutum Tuarum præstantissimarum adumbratio-  
nem, per me in lucem, minus deserto cultu prodeuntem,  
huncq; infirmum meæ in Te obseruantiae conatum, hoc  
leuidense munusculum, serenâ fronte suscipere, ac æqui  
boniq; consulere, & me seruitorem Tuum humilimum  
vnâ cum Tuis omnibus, eo quo alios soles fauore & a-  
more velis complecti, maiorem in modum oro. Ego De-  
um exorabo ut Illust: & vetustissimæ. Prosapiæ Tuae  
splendorem conseruare, eximiarum virtutum, quæ ni-  
dum suum in vestra Familia locasse videntur, famam  
immortalitati consecrare, Tibi verò salutem & incolu-  
mitatem quàm diutissimè concedere dignetur. Vale  
Mæcenæ dignissime, solitamque Tuam in me perenna  
gratiam & beneuolentiam. Datum Cracouia, Pridie  
Kal: Decembr. Anno Christi M. DC. XLII.

Perillustri: & Adm: Reuerendæ D. Tuae

Seruus addictissimus,

Albertus Walkowic, Art; & Phil: Bacc.





# ORATIO

**N**on Te latet Perillustris & Admodum  
Reuerende D. fuisse hoc vetustioris æui  
hominibus in more positum, vt amplif-  
simis muneribus (quisque pro virili & condi-  
tione sua) certarent, ac inuicem sibi congratu-  
larentur: eo præsertim die, quo annuas fælicis  
Natalis sui ferias recalebant. Persæ etenim  
inprimis, faustiissima natalitia religiosè, magnâ  
cum solennitate, summâ cum lætitiâ & alacrita-  
te animi celebrabant. Romani quoque nullo  
die lautiùs conuiuabantur, nullo ludis magnifi-  
centioribus oblectabantur, nullo ampliores mu-  
tuò sibi impertiebant largitiones, quàm cum e-  
ius diei, quo hanc suauissimam lucem aspexe-  
runt, anniuersariam solennitatem obibant. A-  
lij denique certis hisce diebus sacrificiis, votis,  
fertis, vnguentis, atque precibus suos genios  
colebant, annaliaque munera familiares familia-  
ribus



ribus, amicis amici mutuò donabant. Quam  
laudatissimam consuetudinem, maiores quoq;  
nostri, in Ecclesiæ Catholicæ sinu progeniti,  
receperunt, receptamque tenuerūt; quæ ad hæc  
vsque tempora magis magisque inualescens ma-  
net ac retinetur. Hunc quoq; morem in Tu-  
is Perillustribus & Admodum Reuerende D. ædi-  
bus, hodiernâ die conseruari video; Enimuero  
plurimos summo ingenio, summaque dicendi  
copiâ præditos, ac generis nobilitate præstan-  
tes viros, gratulari Tibi solennem Patroni Tui  
festiuitatem conspicio, omnes Tuos ob concor-  
dem lætitiâ faustis acclamationibus persona-  
re exaudio: quocunq; demùm oculorum aci-  
em reflecto, omnia plena mutux congratulatio-  
nis, atque eximiorum votorum deprehendo.  
Quamobrem in hac summa Tuorum lætitiâ, in-  
ter tot iucundas gratulantium Tibi auspicatissi-  
ma Natalitia voces. Ego quoque ex mediis A-  
cademiæ spacijs accurro, vt hanc annuam Diui  
Patroni Tui NICOLAI festiuitatem, coram,  
voce, vultu, & oculis Tibi gratuler. Et  
quamuis



quamuis meæ mihi tenuitatis conscius sum, ve-  
reorq̃ue ne propter eruditionis egestatem teme-  
rè ac imprudenter aliquid dicam: tamen cùm  
has amicorũ acclamationes hos exultantes ani-  
morum motus, ex Tuarum Heroicarum vir-  
tutum magnitudine, ex beneficentia ac liberali-  
tate, quâ erga omnes vteris, concitados esse ad  
gratulandum Tibi intelligam, rem etsi arduam  
audacter aggrediar, omnemq̃ue Orationem, in  
virtutum Tuarum nobilissimarum parcâ & ve-  
recundâ commemoratione consumam. Quod  
eò facio libentiùs, cùm ea sit rerum præclarè à  
Te gestarum magnitudo, vt ei nulla vis inge-  
nii, nulla orationis vbertas, nullus verborum le-  
pos, nulla sententiarum grauitas, vlla ex parte  
possit respondere. Ac primùm quidem de Nobi-  
lissimi Generis Tui vetustate quid asseram? quæ  
variis libris, & monumentis, antiquissima esse  
perhibetur; quid de eiusdem splendore dicam?  
quod inter ornatissimos Polonæ gentis viros,  
& nominis sui celebritate, & inclyti generis an-  
tiquitate resplendēt. De Familiæ Tux factis  
strenuis



strenuis quid in medium proferam? quæ cum à multis & præcipuis quibusque authoribus copiosissimè explicantur, & omnium palàm in ore linguisque versantur, tum verò his temporibus in dies crescunt & augentur, omniumque oculis conspiciuntur; & iam longè lateque ad remotissimas nationes, rerum ab antiquissima K O NIECPOLSCIORVM Familia gestarum gloria, splendet, floret, clarescit. Namque alii ex his laudis patriæque amore incensi, vitæ lucisque prodigi, fortia bella gessere, ordines duxere, pugnas restituere, hostium impetus re- tulerunt, copias profligarunt, acies perriperunt patriam metu liberarunt, à Ciuibus seruitutem & ignominiam depulerunt: Alii disciplinis liberalibus solidissimè exculti, plurimarum rerum experienciâ & cognitione clari, autoritate & prudentiâ suâ, Reipub: dignitatem auxerunt, propagarunt, illustrarunt: constantiâ & pietate religionem, Ecclesiæque libertatem defenderunt & conseruarunt. Quis enim (vt nonnullos in medium adferam) Nicolao Castellano Rosper-  
fienfi



ſenſi vitæ innocentia, morum grauitate, amo-  
reque patriæ præſtantior? Quis Ioanne Iudice  
Lubliënſi prudentia ac fortitudine militari cla-  
rior? quis legum iuriſque ſcientia illuſtrior vn-  
quam fuit? Quis Andreâ Caſtellano Poſane-  
cenſi rei militaris peritior? qui pietate erga De-  
um, Deiparamque Virginem feruentior? qui  
Eccleſiam Præclauienſem magno ſumptu & la-  
bore Numini Diuino conſtruxit, ſuiſque piſſi-  
mis manibus cum nobiliſſimo aulico comitatu  
ſuo, cæmentum & lateres pro ea conſtruenda  
portare, non eſt aſpernatus, eamque Beatiffimæ  
& Caſtiſſimæ Virgini & Matri dicauit, conſe-  
crauit. Non commemorabo hîc Alexandrum  
& Stephanum non degeneres á pio Parente fi-  
lios: quorum ille conſilio, animi magnitudine,  
omni genere liberalis doctri-næ, mirificâque mo-  
rum (quâ omnium in ſe animos traxit) manſue-  
tudine ornatus & excultus: hic ad bella gerenda  
natus, pro ſalute patriæ, in ſummo rerum omni-  
um discrimine, conſtantiffimè decertare, mor-  
temque oppetere (nullo præmio propoſito) nun-  
quam



quam dubitauit. Nihil hîc de eorum pietate  
& deuotione erga Deiparam Virginem dicam :  
Extant eius rei clarissima adhæc vsque ten po-  
ra in Ecclesiâ Præclauensi monimenta : Hi ete-  
nim Confraternitatem Rosarii Sacratissim i i i  
Ecclesiam prædictam introduxerunt, erexerunt,  
fundârunt, dotârunt, censibus & pensionibus or-  
nârunt, auxerunt, ~~pl~~locupletârunt : quâ Confraterni-  
tatē Magni si Martiana de Zurow piæ memoriæ  
Illustr: & Magn: D. Stephani Koniecpolski, o-  
lim Coniux carissima, Matrona honestissima, o-  
mnibus præclaris animi dotibus, omni virtutis  
genere ac dignitate vitæ præstans, pietate & de-  
uotione erga Genitricem Dei feruentissima, in-  
dies magis ac magis cum laude, dignitate; &  
admiratione omnium auget; cultum & deuotio-  
nem erga Beatissimam promouet & adornat.  
Nihil dico de Generoso atque vitæ sanctimoniâ  
conspicuo parente Tuo, cuius prudentia, pietas,  
liberalitas, amor patriæ Ciuiumque, & cæteræ  
nobilissimæ ac genuinæ eius virtutes, à multis  
passim summâ cum admiratione prædicantur,  
laudan-



laudantur, eius liberalitas atque munificentia  
commemorantur. Prætereo Remigium Epi-  
scopum CHELMENSEM, perpetuum  
Abbatix Andreouien: Administratorem (qui nō  
ita pridem Deo sic disponente mortalitatis depo-  
suit exuias) omnigenâ eruditione, vitæque  
sanctimoniâ Clarissimum Præsulem, quem re-  
ligiosæ vitæ cultores Ordinis Cisterciën. Pa-  
rentem benignissimum de prædicant, cui secun-  
dum Deum plurima se debere confitentur, ut  
potè, qui superstes, semper eorum commoda,  
ornamenta, incolumitatem, sanctimoniam quæ-  
rebat, & propagare studebat. Taceo eius sum-  
mos in consecrandis Præbyteris, in nouis Tyro-  
nibus militiæ sacræ adstringendis, & in vineam  
Domini nouis operariis congregandis labores  
atque molestias nō cōmemoro. De Stanislao autē  
Castellano Cracouien: Supremum Exercituum  
Polonorum Ducē, fæliciter magna cum sui no-  
minis laude peragente quid loquar? qui iure me-  
rito ornamentum Polonæ gentis, columen Se-  
natus, propugnaculum Regiæ dignitatis, fortissi-

B 2

mum



munus Legum & libertatis publicæ præsidium dici ac nominari potest. Quem enim obsecro eius bellicæ virtutes latent? quem eius præclare & fortiter gesta fugiunt? quis eius in Rempub. merita ignorat? Expertus est vires eius vecors & sædisfragus Moschus, sensit easdem toties fugitius Scythes, eius animi magnitudinem cognouit trux Spartacus, Sueci, aliæque longinquissimæ nationes: notum clarumque nomen eius exteris, omnes singulis diebus egregia rerum ab eo gestarum decora admirantur, ac fulcrum columnamque Reipub: Polonæ appellare & prædicare non dubitant. Non commemoro hic splendidissima Familiæ vestræ inclytæ ornamenta, & maxima (vtiā in proximo spes est) patriæ præsidia, magnæ spei & expectationis Generosos ac magnanimos Alexandrum Castellani Cracouien: & Andream Alexandrum & Stanislaum Stephani Koniecpolski filios: in ore enim omnium quotidie versantur, eorum industria, dexteritas, tolerantia, laboris, cæteraque fortitudinis specimina & indicia, quæ abundè  
decla-



declārauerunt apud exteras gentes, sese (quo cō-  
modius & vtilius Patriæ seruire possint) in arte  
quā literaria, quā militari exercentes. Neque  
vllam mentionem aliorum fortissimorum ē ve-  
stra stirpe oriundorum virorum faciam, eorum  
res gestas, cæterasque admirandas ac propè Di-  
uinas virtutes, satius (propter exilem doctrinam  
& rude meum ingenium) præterire iudico, quā  
vt periculum subeam, ne pro earum excellentiā  
ac magnitudine, tantam rem obscurare magis,  
quā ei lucis aliquid videar adiecisse; ad ea iam  
quæ Tuis Perillustis & Adm: Reuer: D. parta  
& propagata sunt virtutibus venio: Quorum  
quodcunque si exorsus fuero, non tam suis laudi-  
bus exornare, quā enarrare, citius Orationem  
meam verborum copiā, quā rerum amplitudi-  
ne destitui posse confido. Nicolai Sancti nomi-  
ne gaudes Perillustis & Adm: R. D. Nicolaum  
Sanctum Patronum Tibi elegisti, eius vitam imi-  
taris Sanctissimam, eius incorruptos sectaris mo-  
res, firmiter eius Sanctis adhæres vestigiis. E-  
nimuerrò cū hoc nomen populi designet victo-  
rem.



rem, Tu victorem Te eumquē gloriosissimam,  
iam non populi, sed ( quod maius est ) illecebra-  
rum mundi huius præbes, ac per totum vitæ cur-  
riculum præbebas. Posteaquā enim Nobili-  
tatis Tux decus tanquam facem per manus à  
maioribus traditam recepisti, confestim acerrim-  
um bellum in illa ætate nondum consilio & ra-  
tione firmata, cum ijs blādimentis gessisti, quibus  
ætas adolescentiæ maximè capi ac deliniri solet.  
Atque vt fælicissimo ad Poësin ingenio Ouidius  
monumentis literarum suarum seræ posteritati  
tradidit, Herculem nuper in lucem editum, ac in  
cunis vitam degentē, duos ferocissimos angues,  
qui ei ab irata Iunone erant immissi, cum ad se  
suffocandum magno cum impetu voluerentur,  
exertis è cunis ambabus manibus apprehensos  
constrinxisse ac collisisse, abiectuque & morfu  
eorundem se illæsum seruasse: ita Tu incertam ac  
lubricam adolescentiæ ætatem ingressus, nouum  
Herculē Te monstrasti; cū luxuriām & intem-  
perantiam comprimebas, blandimenta & lenoci-  
nia voluptatum remouebas, ipsaque teterrima  
flagitio-

flagitiorum portenta, tanquam certissimas optimarum mentium pernicies, ac pestes exitiales iugulabas. Vbi verò præstantissimi ac doctissimi Magistri, Senecæ inquam Romanorum sapientissimi, aureæ illæ sententiæ, ianuam aurium Tuarum attigerūt, quod videlicet Generosos animos labor nutriat, eum verò qui hunc recuset parum posse: Quodque otium sine literis mors sit, hominisque viui sepultura, statim depositâ ex animo rerum cæterarum curâ, ad salutaria optimarum artium præcepta aures & animum conuertisti, primaque Tyrocinia Iaroslaviæ, post Lublini in Collegijs Patrum Societatis IESV deposuisti, tandem ad ipsam sedem sapientiæ, nutricem virtutum optimarum, ac omnis liberalis doctrinæ Magistram, Academiam scilicet Cracouiensem, continuandorum studiorum gratiâ Te contulisti, ibique in Collegio Maiori, inter viros doctrinâ & eruditione clarissimos, Diuinarum humanarumque rerum scientiâ excellentissimos, vitæ morumque probitate necnon pietate præstantissimos, in loco mansuetioribus Camœ-

nis apto,



nis apto, ad vbera Academiae parentis nostrae, missionem ac hospitium Tibi elegisti, Praeceptoribusque cum de omnibus disciplinis quam optime meritis, tum vitae sanctitate morumque integritate conspicuis. Admodum Reuer: Patribus Adamo Opatouio & Alberto Borouio, Academiae Cracouien: tunc in Philosophia Professoribus, nunc vero S. Th: Doctoribus dignissimis usus es. Nihil hic de reuerentia Praeceptorum nihil de ingenio & praeclara indole dicam, quae quasi ver fauentibus Zephyris, placidum reliquae vitae prouentum, denunciauit. Praetereo benè moratam iuuentutem Tuam, honestè & laudabiliter in nobilissimarum scientiarum studiis transactam. Non commemoro Tuam apud externos, in illo praesertim toto orbe celeberrimo disciplinarum Gymnasio Romae videlicet commorationem. Apparebant & apparent Clarissimorum ac Doctissimorum Praeceptorum Tuorum vestigia, manet ad hæc usque ~~et~~ tempora fixamentum ea quam à pijsissimis praceptoribus didicisti ac hausisti modestia, pietas, humilitas, deuotio, be-

tio, benignitas, comitas, patientia, humanitas,  
aliæque innumerabiles virtutes; relucet in Te do-  
ctrina, eruditio, morum grauitas & institutio,  
quam ex vberibus Academix vetustissimæ altri-  
cis & alumnæ Magnatū suxisti, hausisti. Cum-  
que nullam esse scientiam, si utilitatem pietatis  
non haberet, cognouisti, ac eam pietatem quæ  
discretionem scientiæ caruerit, valde esse inutilem  
ex sententia sapientum virorum intellexisti, Tu  
vtrumque pulcherrimo vinculo societatis con-  
iunxisti, & in vtroque excellere gloriosum duxi-  
sti. Pietatem quæ omnium virtutum fons &  
origo, Canon & regula esse dicitur, summâ cu-  
râ, summoque studio coluisti, ab eaque ne latum  
vnguem discedendum vnquam existimasti. Quæ  
pietas Tecum ab iueunte ætate creuit, adoleuit,  
maturuit, Te semper comitata est, omniumque  
actionum Tuarum dux, Magistra & Modera-  
trix fuit præstantissima. Relucet in Te cum  
pietate probitas, morumque integritas ac pul-  
cherrima norma: non illa quæ ad speciem fucata,  
quæ in fumum vaporemque abit, quæ sine præ-

C

claro-



clarorum operum succo est : sed illa vera & genuina, quæ pietatem factio magis quàm formâ, serio quàm ad opinionem aliorum amat. Longè Tu distas ab illis, quos ambitio varijs stimulis exagitat quorum mentes cupiditas honorum oppressit. Non Tibi diuitiæ, non cultus, non corpus, illecebræque huius mundi curæ sunt : probè nosti præclarum & augustum vultum Cræsi, vim & robur Herculis, opes atque diuitias Midæ subito delabi ; ingenij & mentis facinora æterna esse non ignoras. Rectè sanè id existimas, virtute etenim nihil est illustrius, nihil laudabilius, nihil ad humanam fælicitatem consequendam certius ; Hac nulla possessio nec certior, nec honestior, nec durabilior est ; Hæc nec eripi nec surripi potest vnquam, neque naufragio neque incendio amittitur, nec tempestatum nec temporis permutatione mutatur : omnib9 præeminet bonis omnia quæ cum laude & immortalitate coniuncta sunt continet, his cuncta famulantur, ancillantur : Sapienter ad hoc asylum confugisti ; cum reliqua quæ mundus illustria ac magnifica censet.

censet pereant omnia; virtus sola etiam post facta manet immobilis: nihilque aliud in humanis rebus magis firmum, nihil magis stabile, nihil magis diuturnum hac vnica relinquitur. Hanc virtutum præstantiam, dignitatem, vtilitatem ac præminentiam, cum Tu diligentioris genij & ingenij trutinâ examinares, cum inconstantiam cæterarum rerum ob oculos Tibi proponeres, maximo animo pro fluxis & eaducis cælestia ac æterna, pro momentaneis vmbreis, sempiternam illam Tibi expetendam proposuisti lætitiâ; Te que iam tunc à corpore quasi abstrahendo, à commercio sæculi secernendo, vitâ mentibus beatissimis persimilem es amplexus, Nomēque Tuū Clarissimum in durissimam Christi militiâ dedisti. Deceuisti ea bona deferere, quæ hæredem æterni supplicij laqueis illaqueare consueuerunt; sed quantumcunque huius vsuræ lucis restabat, totum in Christi Redemptoris nostri ministerio, illiusque religionis (quam cum materno lacte imbibisti) propagatione conficere statuisti. Cumque propter Tuas laudabiles vir-

C 2

tutes



tutes omni honorum fastigio dignus eras, Tu qui  
illa quæ sunt mundi huius contemnere ac despi-  
cere soles, omnia speciosa abdicasti. : Præposi-  
tum Te Præclauiensē in primis fieri æquo ani-  
mo tulisti. Mirabile & iucundum erat Illustri  
Tuæ Prosapiæ, cæterisque omnibus, NICO-  
LAVM KONIECPOLSKI, posthasti-  
to mundi huius splendore & pompâ, militiæ  
Christi nomen dedisse, in oratione sacerdotum  
ministrare, religiosè rem Diuinam facere, cum  
pijsque & religiosis viris assiduè conuersari. Ta-  
ceo quanta hoc tempore inter omnes gaudia,  
quantæ gratulationes vigeant, quàm fausta de  
Tuæ vltioris vitæ cursu omnia frequentaban-  
tur. Gaudebat tunc & exultabat Præclauien-  
sis Ecclesia, tantum adepta Patronum, qui pie-  
tatis & eruditione celebritate ornatus, morum  
& vitæ integritate conspicuus, omni demum ge-  
nere virtutum cumulatus esset, Pastorisque bo-  
ni formam ac imaginem vitæ & moribus expri-  
meret. Exultabant gaudio oues illæ cœlesti  
precio redemptæ, Tuæ verò fidei atque curæ  
commis-

commissæ, Tui inquam (vt vulgari vtar vocabu-  
lo) Parochiani, quod Te pietatis, cultus Diui-  
ni, salutis animarum, Diuinæque sapientiæ Pa-  
storem sint sortiti: totiusq; vniuersi Moderato-  
rem, à quo omnis vitæ nostræ ratio dependet,  
pro Tuæ incolumitatis & virtutum incremento  
supplices adhæc vsque tempora precantur. Age  
verò dum in numerum & cætum Canonico-  
rum Gnesnensium paulò post relatus esses, quâtâ cum  
lætitiâ atque alacritate animi, ab illa Sapientissi-  
ma, Clarissima ac Illustrissima Venerabilis Ca-  
pituli Canonico-um Gnesnensium Vniuersitate  
sis receptus, quàm honorificè humaniterque tra-  
ctatus, quis Oratione complecti potest? Gaude-  
bant vehementer Patres illi Perillustres, Te Ge-  
nere Illustrem, summisque ornamenti animi, vir-  
tutis, ac ingenij præditum virum Canonicum ac  
Consortem fieri; gaudebant inquam, faustisq;  
acclamationibus eam dignitatem cuncti Tibi  
congratulabantur. Admirabantur omnes Tu-  
am eximiam pietatem, humilitatem, honestissi-  
mæ vitæ integritatem, humanarum rerum despi-  
cienti-



cientiam, Diuinarumque studium. Manifesta  
quotidiè in pauperes, in peregrinos, cæterosque  
inopiâ laborantes, munificentiae Tuae signa &  
argumenta contulisti quam plurima: Quanta  
semper fuerit mendicorum copia in ædibus Tuis  
satiata, explicatu difficile. Neque solum illis  
temporibus, sed etiam nunc admirantur omnes  
Tuam munificentiam & magnanimitatem, ani-  
mi moderationem, inuictumque illud constantiae  
robur de minime appetendis (qui Te etiam vltro  
consequiebantur) honoribus satis admirari non  
possunt. Quemadmodum enim Cratem The-  
banum olim, vt melius studio Philosophiae in-  
cumbere, & admirabilium occultarumque rerum  
causas indagare possit, non paruum auri & argē-  
ti cumulum in flumen, monumenta literarum ie-  
cisse testantur: ita Tu omnia honorum fastigia,  
omnes dignitates, præ eminentias, omnia demum  
mundana despicias & contemnis, vt commodè  
vitam tranquillam ac beatam ducere, Salutisque  
nostrae Insturatori Christo, vt par est seruire, ac e-  
ius Diuinis officiis vacare possis. Silentio præ-  
tereo

creo Tuam erga tenues atque infaustæ sortis  
homines liberalitatem, erga afflictos humanita-  
tem & paternum affectum. Quæ omnia si pro-  
lixius persequi vellem, nullum planè modum in-  
ueniret oratio. Quod enim genus officii erga  
religiosas familias prætermisisti? quod genus be-  
nevolentix ministris Ecclesiæ non exhibuisti?  
cui pupillo aut aduenæ Tua arca, Tua domus  
clausa est? omnium dolori & calamitati illa-  
chrymas, ab omnibus periculum & ignominiã  
propulsas, ubique locorum odia, dissidia, rixas,  
simultates restringere curas, omnibus demum o-  
pem & auxilium ferre satagis. Testes sunt tot  
Religiosi, testes tot Deo dicati sacerdotes, qui  
Tuam satis liberalem atque munificam, manum  
multoties sunt experti. Testes vel maximè  
Ciues Præclauien: qui Te Patronum, parentem  
& benefactorem appellant, qui Tuã incredibili  
beneficentiã quotidie subleuantur, largamque  
manum in dies & in horas necessitatibus suis sub-  
uenire experiuntur. Quid verò de Tuo erga  
artes eruditas earumque cultores singulari amo-

re ac



re ac beneuolentia proferam? Testes sunt tot viri disciplinarum magnitudine atque doctrinâ & usu rerum præstantes: testes tot viri Hierarchico ordini adscripti, testes ingenui adolescentes, quos liberali impensâ optimis disciplinis imbuendos curabas. Testis Palæstra Præclauien: ad cuius administrationem, ex Academia Crac: tanquam ex fonte scientiarum vberissimo, Baccalureos lauro Academicâ ornatos inuitare, iisq; turbam iuuenum committere soles erudiendâ. Testes tot bonæ indolis optimæque spei iuuenes, quibus fidelissimum & de literis bene meritum Præceptorem præfici curas, eum videlicet, qui iuuenum ingenia bonis artibus excolat, pietatem doceat, moribus instituat, præluceat exemplo, vitia extirpet, ad virtutum amorem alliciat, naturæ deprauatæ errores corrigat, literarum demum inopes ac ieiunos humanissimis disciplinis reficiat. Tacebo Tuam erga me, regimen Scholæ Præclauien: à Te demandatum gerentem, beneuolentiam, liberalitatem & animi propensionem; non commemorabo quâ in me beneficent-

neſicientiâ ac humanitate uſus es, quo amore cõ-  
plexus, quo patrociniò á quorundam turbulent-  
torum & ſeditioſorũ hominum effræni & petu-  
lanti lingua tuebaris, quomodo cùm omnibus  
diligentiſſimè, tum præcipuè Perilluſtri & Adm:  
R. D. IOANNI Łada Skrzynski, Cheſmen:  
Sandomirien: Canonico, Decano & Præpoſito  
Melece: vigilantiffimo, Domino & Benefa-  
ctori meo colendiſſimo, dum ab eo ad regimen  
Gymnaſii Melece: à Te auocabar, commen-  
dabas. Quorum ego memor, tacebo nunquã  
& moroſo tantam beneſicientiam non permittã  
inobſcurari ſilentio. Sed dum in hiſ hæreo,  
quaſi hæc maxima ſint maiora non video. Quid  
enim enarrem Tuam in omnes (qua nihil ſancti-  
uſ) hospitalitatem, virtutumque omnium præ-  
ſtantiffimam, Chriſtianis omnibus maximè pro-  
priam humilitatem? ob quam omnes Te ſummè  
colunt, omnes in Te oculos atque animum con-  
uertunt: Patientiam demum Tuam, quæ in Te  
maxima eſt, quibus uerbis exornem, non repe-  
rio: ita enim omnia aduerſæ fortunæ tela, ita o-

D. I. O. A. N. N. I. Ł. A. D. A. S. K. R. Z. Y. N. S. K. I. C. H. E. S. M. E. N. I. E. N. S. I. S. D. E. C. A. N. O. P. R. A. E. P. O. S. I. T. O. M. E. L. E. C. E. N. S. I. S. G. Y. M. N. A. S. I. I. M. E. L. E. C. E. N. S. I. S. A. T. Q. U. E. A. N. I. M. U. M. C. O. N. V. E. R. T. U. N. T. P. A. T. I. E. N. T. I. A. M. D. E. M. U. M. T. U. A. M. Q. U. A. E. I. N. T. E. M. A. X. I. M. A. E. S. T. Q. U. I. B. U. S. U. E. R. B. I. S. E. X. O. R. N. E. M. N. O. N. R. E. P. E. R. I. O. I. T. A. E. N. I. M. O. M. N. I. A. A. D. U. E. R. S. A. E. F. O. R. T. U. N. A. E. T. E. L. A. I. T. A. O.



omnes iniurias si quæ acciderint, æquo animo to-  
leras, vt omnes Tuam patientiam satis admirari  
non possint; omnes Te in hac sequi ac imitari cu-  
piunt. Nihil censes esse fortiùs, nihil iudicas ex-  
cellentiùs, nihil quod magis animum Nobilem  
ac excelsum deceat, ornet ac illustret ipsâ patien-  
tiâ. Quare gaude hoc tam excellenti Tuo bono  
Perillustr: & Admodum R. D. fruire hac nobi-  
lissima (quæ magnum Dei donum esse censetur)  
virtute, cum ea sit eiusmodi, vt eam semper co-  
piosissima merces maneat. Sed quæ tandem in  
villo genere potest reperiri aut nominari virtus,  
quæ non in Te elucescat, vt ad quamcunq; se  
quis animo & cogitatione conuertat, in ea Tu  
non excellere ac præstare videaris? nulla est o-  
mnino, quæ in Te non emineat, non Tuam di-  
gnitatem condecoret. Finxit Te ipsa rerum o-  
mnium parens & administra natura ad cultum  
Diuinum, pietatem, morum integritatem, ani-  
mi magnitudinem, ad omnes denique virtutes  
magnum hominem & excelsum. Crediderim  
ego nec lapillos preciosos, nec gemmas splendē-

tes

tes sic aciem oculorum perstringere, sic in sui ad-  
mirationē animos mortalium pellicere potuisse,  
quā Tuā virtute eximiā eosdem allicere. Tam  
enim amplæ sunt tamque præstantes. Tux virtu-  
tes, vt omnium sermone & fama celebrentur, in  
omnemq; posteritatis memoriam propagentur.  
Cum cæ solæ sint eiusmodi, quæ Te, cæterosq;  
omnes, qui æternæ felicitatis flagrant desiderio,  
ad optatum finem deducere, & in locū de patria  
cœlesti benè meritis parato, cum hoc tam præcla-  
ro virtutum comitatu constituere queant. Sed  
vt vnde orsa est in eodē terminetur Oratio mea,  
ad Natalium Tuorum diē anniuersariam redeo.  
Tibiq; vt par est gratulor & opto, vt Tu cōstantiā  
& magnanimitate S. NICOLAI Patroni Tui  
ornatus & munitus, cæterisq; eximiis virtuti-  
bus auctus ac cumulatus, viuas diu ac feliciter,  
viuas lætus, cum sempiterna laude, nominisq;  
Tui gloria, viuas, floreas, triumphes, meque ser-  
uitorem Tuum humilissimū, cum omnibus Tuis,  
beneuolentiæ Fauonio foueas, liberalitate ornes,  
patrocinio & authoritate tuearis ac defendas. E.



gō verò hanc Tuam in me humanitatem ac be-  
neficientiã nullo tempore nō deprædicabo; DI-  
VVMq; NICOLAVM Patronum Tu-  
um meis precibus & votis exorabo vt qui (mor-  
talitatis sacco nondum deposito) tres viragines  
vitam cum parentibus in magnâ pauperie degen-  
tes, à turpissimo prostituendæ pudicitix quæstu,  
immunes seruauit, qui senos in vincula cōiectos,  
mortique sine noxa destinatos viros, à duris car-  
ceribus, à morte crudeli & ignominiosa libera-  
uit, qui tot vario morborum genere languentes  
homines, Orationis suæ beneficio, pristinam va-  
letudinem virtutemque recuperare fecit. Is Cæ-  
lestium Ciuium numero adscriptus vitæ huma-  
næ Instauratori ac Effectori pro Telāguente sup-  
plicet, vt ille tanquam cælestis Medicus, maxi-  
mos Tuos (quibus multis ab annis grauaris) do-  
loris, à Te propulsare, amissas vires restituere,  
valetudinem confirmare, saluum & incolumem  
quàm diutissimè, ad decus & ornamentum Ec-  
clesiæ, religionis, nominisque sui propagatio-  
nē seruare, fouere ac tueri dignetur.

D I X I.









